

# Хойрдгч совхозин кӧдлмшчнр депутатин кандидатларн харгъв

Сарпинск района хойрдгч номертӓ совхозин кӧдлмшчнр-сунъгъачнр СССР-н Деед Советин Келн-ӓмтнӓ Советин депутатин кандидат ӱр Инджин Лиджлӓ харгъцхав.

Турӱн ӱг келсн, итклтӓ кӱн Н. Санджиев, тодрха кевӓр кандидатин тускар цӓӓлгъӓд, ӱр Инджин Лидж мана хальмгин итклтӓ нег ӱрн гидж келв. Коммунистнрин болн партийн биш улсин хамцлтин кандидат Инджин Лиджин тӧлӓ мартин 16-д, сунъгъврин урнур ирдж, цугъар дуугъан ӧгцхӓй гидж цуг сунъгъачнриг дуудв.

Босдж ӱг келцхӓсн сунъгъ-

ачнр нег дуугъар: мана даалгъвриг ӱр Инджин Лидж кӱцӓх гидж итклжӓнӓвдн, цугъар энӱнӓ тӧлӓ дуугъан ӧгцхӓхмн гидж келӓд, бийсдӓн даалгъвр бас авцхав.

Совхозин МТМ-н слесарь ӱр Балашов Н. болн механик Святенко В, сунъгъврин ӧлр-мартин 16 кӱртл трактормудан болн селӓнӓ эдл-ахун машидӓн ясдж бел кенӓвдн, хаврин тӓрӓ тӓрлгъӓн сӓн чиртӓгъӓр ахр болзгт дууснавдн гидж даалгъвр авцхав.

Гурвдгч фермин ах хӧбч, танъгъчин Советин депутат ӱр Дьякова, 100 хӧн болгънас 120 хургъ, хӧн болгънас

5,5 килограмм ноос киргъдж авнав гидж даалгъвр авб.

Совхозин негдгч фермин зоотехник ӱр Лоптаков В., 100 хӧн болгънас 115 хургъ, хӧн болгънас 5,5 килограмм ноос киргъдж авнавдн гидж ферминнь коллективин нерн деерӓс иткӱлдж келв.

Хургин сӱӱлӓр босдж ӱг келсн депутатин кандидат Инджин Лидж: ӱнн седклӓсн ханджанав, итклитн кӱцӓдж, улм олна тӧлӓ чидлӓн ӓрвлгӧ зӱткхв гидж герчлв.

Чапаевин нертӓ совхозд депутатин кандидат Инджин Лиджлӓ харгългъна хург бас болв.